

19<sup>e</sup> dim TOA

1R 19,9...13a/ Rm 9,1-5/ Mt 14,22-33

Paroisse St Clément/Kinzundu

Bampangi bame banzolua

N'longi diam'funu muna Nsangu za mbote tuwidi mu lumbu kiaki, kua beto tu sosanga Tata Nzambi muna luzingu lweto. *Balongoki bakala muna n'lungu va kati kati dya zanga, maza mayantika wo toma nikuna mu ngolo, kadi tēmbwa kyayizidingi ku n'tu a n'lungu.*

Bampangi zame : muna masonama masantu fulu bya yingi : **n'lungu** yena sinsu kya **luzingu** lueto, **maza** i sinsu kya **nsi** eto ovo **nza yayi**, **tēmbwa** ki nuanisanga lungu muna maza i sinsu kya **mpeve zozo za mbi** zi kutunuanisanga, ovo mambu ma mpasi ma kutu muesanga mpasi muna luzingu lueto. Konso muntu wena tēmbwa bi kun'nwanisanga, bi kun'katulanga ngemba muna n'tima.

Kansi tala, Yezo wasâla vana mongo mu sambila, wazaya vo balongoki mu mpasi bena, ye ngiza ka yiza kua bawu, yandi kakala ye m'funu a n'lungu ko, mu ndiata ka diata va ntandu a maza, i sinsu vo Yezo Kristo wena n'tinu a biabio. Ye ngolo za tembwa ka zilendi ku n'nunga ko. Yandi ukulanga tembwa, ye ulembekanga maza mpasi vo n'lungu ka wu dimuka mu maza ko. Wayiza ku ba sadisa.

Ngeye tata, ngeye mama, ngeye jeune, zaya vo bu weti zinga muna mpasi, muna nkuamusu za mpila mu mpila, bu weti vo bonso tembwa kikotele muna luzingu lwaku ; zaya vo Yezo Kristo kalendi kuyambula ko. Dyata va ntandu a maza ma tembwa isa vo dyata va ntandu ya mambu, ka ma lendi ku kota n'soki ko (*marcher sur les eaux troubles c'est marcher sur les problèmes, c'est toi qui domine les problèmes, ils ne te dominant pas*).

Kansi Yezo nki keti ku lomba ? Wakala muntu wa lukuikilu (la foi), ku moni wonga ko, bonso Pierre wa mona wonga : Yezo um'bokele vo : Wiza. Kansi yandi wa mona wonga ye wayantika dimuka mu maza. Bu wena ye Yezo muna luzingu lwaku, bu wena ye Tata Nzambi kulendi mona wonga ko, wongo wa mambu ko, wonga wa bantu ko, wonga wa mpeve za mbi ko. Kadi Yezo i mvuluzi aku.

Idina muna luzingu lwaku sosa Mfumu Nzambi. Un'sosela mpe muna nzila za makieleka. Kadi Nzambi kena muna fulu biawonso ko. Imomo tuwidi muna *n'kanda wa ntete wa Min'tinu*. Nzambi kwa ngunza Elia vo : wenda telamana vana mongo ye Mono si ngiza wawana ye ngeye. Elia va katelama va mongo : tembwa kya ngolo ye kya nene kinikukini, ki pasudi miongo ye kibulumuni matadi : kansi Nzambi kakala mu tembo kiokio ko; Nzambi kakala mpe mu ndikuka ya n'toto ko. Bosi tiya twa nene tumonekene : kansi Nzambi kakala mu tiya toto ko. Kunima, fi n'ningu fia mupepe wa malembe fizi lembeka kûma : Nzambi wakala mu fi mupepe fiofio fia lembama ye fi lembekanga.

Isa vo, Nzambi wena vana fulu kya lembama. Ka mu mazu mayingi ko; ka mu nkwayilu ya bantu ko. Ka tu banzi k ovo bu beti boka mu ngolo zazo vana fulu kya sambu, isa vo Nzambi wuna vana. Nkatu. Tu monanga mi n'longi mian'kaka mu mabundu man'kaka mieti zakama ye zakamisa bantu, myeti kwaya ye kwayisa bantu. Kansi Nzambi wena Nzambi wa ndembama, Nzambi wa nsi a n'tina. Yezo wavova vo ; bu weti sambila kota muna nzo aku, kanga kielo ye samba muna suku diaku, kadi Nzambi umonanga mamena yaku muna nsi a ntima.

Beno kuaku bakristo ba Paroisse St Clément ku Kinzundu bika luatatamana mu sosa Yezo Kristo ye sadila mpova za Tataaaa Nzambi.